



basic education

Department:
Basic Education
REPUBLIC OF SOUTH AFRICA

NATIONAL SENIOR CERTIFICATE

IGREYIDI 12

ISINDEBELE ILIMI LOKUTHOMA LOKUNGEZELELA (FAL)

IPHEPHA LOKUTHOMA (P1)

NOVEMBA 2010

IMITLOMELO: 80

ISIKHATHI: ama-iri ama-2

Iphepheli linamakhasi ali-9.

YELELA

1. Iphepheli LINEENGABA EZINTATHU: ISIGABA A, B, kanye nesigaba-C.

ISIGABA A:	Ukufunda nokuzwisisa	(30)
ISIGABA B:	Ukurhunyeza	(10)
ISIGABA C:	Ihlelo nokusetjenziswa kwelimi	(40)
2. Phendula YOKE imibuzo.
3. Funda YOKE imiyalo onikelwe yona ngokuyelela okukhulu.
4. Thoma isigaba ESINYE NESINYE ekhasini ELITJHA.
5. Thalela ngemva kokuphendula imibuzo yesigaba ngasinye.
6. Tlola iinomboro zemibuzo njengombana zinjalo ephepheni lemibuzo.
7. Tjhiya umuda owodwa ngemva kwaleyo naleyo pendulo.
8. Tlola kuhle ngesandla esibonakalako.
9. Yelela kobana upelede amagama ngendlela efaneleko bewutlole nemitjho ezwakalako.

ISIGABA A: UKUFUNDA NOKUZWISISA**UMBUZO 1**

1.1 Funda itheksti engenzasi uyizwisise bese uphendula imibuzo elandelako.

IKHOLERA

Ikhholera ibangwa mumulwana obizwa nge-*Vibrio Cholera*, loyo ofunyaneka ngemanzini angakahlanzeki. Umulwana lo ukuhlangahlanganisa amathumbu bese ukubangela ukurhuda nokuphalaza okubuhlungu. Singawahlanzekisa njani amanzi ukuze sikwazi ukubalekela ikhholera? Kokuthoma, bilisa amanzi imizuzu engaba litjumi bese uwapholise ngaphambi kobana uwasele. Kwesibili, thela isigobho sinye sejigi ngaphakathi kwamanzi amalitha ama-25 bese uwarure kuhle. Amanzi lawo kufanele uwalise ubusuku boke namkha okungasenani ama-iri amabili ngaphambi kobana uwasebenzise. Nangabe ufuna ukusebenzisa amanzi amancani khonokho, thela amathosi amahlanu wejigi ngaphakathi kwelitha yinye yamanzi bese uwalisa isiquntu se-iri ngaphambi kobana uwasebenzise.

Minengi imibuzo evelako nakukhulunywa ngamalwele afana nekhholera. Umbuzo ojayekekileko ngewokobana ilapheka njani. Abukho ubulwele obungalaphekiko, kwaphela into edingekako kutjhugululwa kwengqondo, lokho okuzokwenza bona wazi ukuqakatheka kwepilo. Ikhholera ifana namanye amalwele, iyelapheka begodu ungakubalekela ukubanjwa ngiyo. Kunamaphuzu aqakathekileko angasetjenziswa ukukhandela ikhholera:

- Hlamba izandla zakho ngaso soke isikhathi ngemva kokusebenzisa indlwana yokuzithuma.
- Hlamba izandla ngemva kokukhupha umntwana idugu.
- Hlamba izandla ngaphambi kobana upheke.
- Bilisa amanzi wokupheka nawokusela.
- Hlanza kuhle iinthelo nemirrorho ngaphambi kobana uzigome.
- Beka amanzi ahlanzekileko ngesimumathi bese sihlale sivaliwe.
- Ungadlali namkha udude ngemanzini agelezako asuka emlanjeni namkha emadamini.

Amaphuzu angehla la, nakangalandelwa kuhle izinga lekhholera lingaba phasi. Iziko leNarha lamaLwele aThathelelanako libuyekeze umhlahlandlela walo wekhholera, ngehloso yokuqinisekisa bona likwazi ukulwisana nokuqubuka kwagadesi nangakwesikhathi esizako. Imihlahlandlela ithunyelwe emiNyangweni yezamaPhilo eemfundeni zoke. IHlangano yeemBhedlela zeSewula Afrika nayo ivule i-ofisi lekhholera elizokusiza ekuhobhiseni ukurhatjheka kobulwelobu.

Nokho abantu beSewula Afrika bangathuka. Nangabe kukhona onamatshwayo wekhholera kufanele avakatjhele esibhedlela nanyana emtholapilo msinyana khona azakwelatjhwa.

Ukulapha kufaka hlangana ukujamiselela iketjezi netswayi okuphelileko emzimbeni ngonobangela wokuthulula nokuhlanza khulu. Njengendlela yamsinyazana yekhaya, ungathatha ilitha yinye yamanzi abilisiweko, apholiswa uwathele ngeengojana ezibunane zeswigiri nesiquntu sesigojana setswayi. Nakukghonekako, seza isigulani umvango lo, okungasenani iinkomitji ezimbili ngemva kokurhuda ngakhunye.

[Ithethwe egadangisweni leVukuzenzele, yakaNtaka 2009]

- 1.1.1 Tlola iindlela zibe ZIMBILI zokuvikela ubulwele bekholera. (2)
- 1.1.2 Tlola OKUBILI okungabangela bona iketjezi netswayi kungabi khona emzimbeni. (2)
- 1.1.3 Ngiliphi iziko eliphethe imihlahlandlela yokulwisana nobulwele bekholera? (1)
- 1.1.4 Yini ikholera? (1)
- 1.1.5 Ngiyiphi ihlangano esiza ukurhobhisa ubulwele bekholera? (1)
- 1.1.6 Ubulwele bekholera ungabelapha njani? Tlola amaphuzu AMABILI. (2)
- 1.1.7 Tlola bona imitjho elandelako ILIQINISO namtjhana AYISILO IQINISO:
- (a) Imihlahlandlela ithunyelwe esifundeni seGauteng kanye neLimpopo ngombana ngikho lapha kwande khona ikholera. (1)
 - (b) Amaphuzu aqakathekileko asendatjaneni nakangalandelwa ngendlela efaneleko, ikholera ingaphela. (1)
 - (c) Ihlangano yeemBhedlela zeSewula Afrika isiza ukuqeda ukurhatjheka kwekholera. (1)
 - (d) Ukujamisela iketjezi netswayi elilahlekileko emzimbeni ungathatha ilitha yinye yamanzi angakabiliswa, uthele iingojana ezibunane zetswayi nesiquntu sesigobho zeswigiri. (1)
- 1.1.8 Ngokubona kwakho kungani umuntu onamatshwayo wekholera kufanele agijinyiselwe esibhedlela msinyana? (2)
- 1.1.9 Tlola obunye ubulwele obungabangwa mamanzi angakahlanzeki. (1)

1.2 Funda itheksti elandelako uyizwisise bese uphendula imibuzo.

UBUGEBENGU

Izinga lobugebengu elinyukileko eSewula Afrika lingapheliswa lula nangabe iinhlango zemiphakathini zingabambisana namapholisa zirarulule lomraro. EYunivesithi yePitori bekunembizo ekulu yokuvimbela ubulelesi emadorobheni. Nakatshwayako ngeveke edlulileko uNomzana Hlalakuhle, onguSodorobha we-*Metropolitan Local Council* yePitori, wathi "Ukuthuwelela kobugebengu obungaka kubangwa ziinzathu ezinengana. Kodwana okukhamba phambili khulukhulu emadorobheni amakhulu neengoga, lizinga lokwehla kwemisebenzi nokwehla kweenhlango ezivikela ubugebengu emphakathini."

Abanye banemibono ehlukileko kilokhu esele kutjihiwo ngehla. Kukhona abathi sele kunamalungelo wokobana abantu bangazenzela imisebenzi yokuziphilisa yangeqadi. Nakuthiwa yangeqadi akubalwa ubutsotsi nanyana ukwenza izinto ezingaziwa babantu. Imisebenzi yangeqadi kungaba ziindaba zokutjale imirorho, iinthelo nokhunye. Ikani nasingabanjwa buvila. UZimu upha umuntu ingqondo yokobana azicabangele yena. Kufanele-ke umuntu bona asebenzise ingqondo ekukhuliseni nekondleni abantabakhe nangabe unabo. Abantu baqala urhulumente bona abasize ngokuya ngethunjini. UZimu wamdala umuntu asazi bona uzakufuna ukudla nokuphila. Angeze saphila ngaphandle kokudla. Angeze sadla ngaphandle kokusebenza. Alo, nasimavila ke? Angeze sidle.

Kunabantu ababalabala ngemakhiwo emidala efuya iingebengu. Eminye yemakhiwo isesemihle kodwana seyaphenduka amarubhi ngonobangela wokungasetjenziswa. Sekusikhathi sokobana abantu babawe imakhiwo le kubanikazi ukuze bazithomele amarhwebo azobangenisela imali. Kesinye isikhathi ubugebengu bungehla nakungenziwa njalo. Kumbi ephasini! Ayihlome ihlasele kulwisanwe nobugebengu.

[Ithethwe egadangisweni leVukuzenzele, yakaNtaka 2009]

- 1.2.1 Ngubani onguSodorobha we-*Metropolitan Local Council* yePitori? (1)
- 1.2.2 Umhlango wokukhuluma ngobugebengu bewubanjwe kuphi? (1)
- 1.2.3 Ngokubona kwakho, yini okuthuwelelisa ubugebengu eSewula Afrika? Tlola amaphuzu AMATHATHU. (3)
- 1.2.4 Ngokubona kwakho, ingabe kuliqiniso bona ukutjale imirorho kungaqeda ubugebengu? Tlola isizathu SINYE. (2)
- 1.2.5 Kumsebenzi wakarhulumente ukupha abantu ukudla. Uthini ngombono lo? Tlola amaphuzu abe MABILI. (4)
- 1.2.6 Kukhona abathi imakhiwo emidala efuya iingebengu. Phawula ngeqiniso lomutjho lo ngephuzu ELILODWA. (2)
- 1.2.7 Ngokubona kwakho, imakhiwo emidala engasasebenziko ingenziwani? Tlola iphuzu LINYE. (1)

IMITLOMELO YESIGABA A: 30

ISIGABA B: UKURHUNYEZA

UMBUZO 2

Fundisisa itheksti engenzasi bese uyayirhunyeza ngokwemiyalo elandelako.

IMIYALO:

1. Ngamagama angadluli kwama-60, rhunyeza uveze amaphuzu ali-7 amimongo mayelana neenghonyoyiso abazali abanazo ngeminyanya yokulayeliswa kwabafundi bakagreyidi 12.
2. Nombora imitjhakho kusukela kowoku-1 bekufike kwewe-7.
3. Umutjho ngamunye owutlolako awube nomqondo owodwa.
4. Tlola ngelimi elitsengileko ngombana uzokwabelwa imitlomelo emi-3.
5. Sebenzisa amagamakho ngendlela ongakghona ngayo ungabuyeleli utlole okusesirhunyezweni.
6. Tlola inani lamagama owasebenzisileko ekupheleni kwesirhunyezo.

IMINYANYA YOKULAYELISA ABAFUNDI BAKAGREYIDI 12

Maye! Abazali bayalila ngeminyanya yokuphela komnyaka lapha kulayelisanwa khona nabafundi bakagreyidi 12. Abafundi ababacabangeli abazali babo. Ngesikhatheso bafuna izembatho ezibiza khulu kanye nezembatho zamabizo. Umntwana akasacabangi kobana umzali wakhe udosa emhlweni kangangani. Boke abantwana bazibuza umbuzo owodwa othi, "Bebangazi kobana ilangeli lizokufika?" Umzali uthoma ngokuthenga izembatho, abhadele imali yetafula, abhadele nemali yekhambo nangekukhanjwa ngebhesi. Uzababona nabakhamba ngamateksi anomvumo onetjhada eliphezulu. Ukuthi kwenzakalani eendlebeni, akufuni wena lokho. Abanye abazali bayakateleleka bona baqatjhe ikoloyi yakanokutjho ezokusa umntwanabo emnyanyeni. Nakuziinthombe bazithatha khona emnyanyenapho. Ngithi bafuna nemali enengi kangako. Umzali nakangathi akanayo imali yeenthombe, uzokungena emrarweni. Abazali bakatelelwa nokuthengela umlingani womntwana loyo ozabe akhamba nomntwanabo mhlokho.

Nakumntazana uyakhamba ayokuthungisa irogo elihle kwangathi ngelomtjhado. Athenge amanyathelo, isikhwanyana esikhambisana nombala ofana newerogo lakhe kanye nobunye ubuphaziphazi bentanyeni. Ubuso bupendwe bumetjhaniswe nezambatho. Kunjalo nje ayikafakwa imali yeenhluthu, yamazipho wezandleni naweenyaweni, ayikafakwa neye-*make-up*. Nawubala imali athenge ngayo umntazana nasele athi uyokungena ngeholweni ekubanjelwe ngakiyo umnyanya loyo, uzakufunyanwa kobana ubiza imali pheze engaba ziinkulungwana ezimbili. Kazi imali leyo ngekhutjha ngesikhathjha esisodwa. Ukuphi-ke umntwana oyintandani naloyo abazali bakhe abadobha phasi ngaleso isikhathi? Ngikho-nje abanye abantwana bazibulala ngombana abazali babo basuke banganayo imali yokubenzela okungaphezu kwamandlabo.

Iminyanya le ibanjwa ebusuku, ibanjelwe eendaweni ezikhethekileko. Okumbi khulu-ke ngeminyanya le kukobana iphela ngamasa. Ngikho-ke kunesililo esikhulu sabazali esithi umNyango wezeFundo ungasazivumeli iinkolo zibambe iminyanya yokulayelisa abafundi bakagreyidi 12.

ISIGABA C: IHLELO NOKUSETJENZISWA KWELIMI

UMBUZO 3

- 3.1 Buyelela utlole umutjho ongenzasi kodwana uveze ukulandula.
Ubaba uthanda amazambana avuthiweko. (2)
- 3.2 Sebenzisa igama elithalelweko elisemtjhweni ongenzasi, uzitlamele wakho umutjho oveza umqondo osepambosini yokwenzisa.
UZamthini ugijima ngaphandle ezulwini. (2)
- 3.3 Buyelela imitjho elandelako engenzasi uthome ngegama elithalelweko.
3.3.1 Umoya uphephula amaphepha. (1)
3.3.2 Amapholisa agijimisa isigebengu ngeveni. (1)
- 3.4 Buyelela utlole umutjho ongenzasi bese unciphisa amagama athalelweko.
Unginikele imali yekoloyi eyasalelako. (2)
- 3.5 Buyelela utlole umutjho ongenzasi uzwakale kuhle.
Umma ibethe umntanakhe ngumthanyelo. (2)
- 3.6 Tlola umutjho ongenzasi usebenzise isihlanganiso esifaneleko:
UDzwamari uthenge ikoloyi. Ikoloyi iphukile kwanje. (2)
- 3.7 Buyelela utlole imitjho engenzasi kodwana utlole igama elilodwa esikhundleni sebinzana elithalelweko:
3.7.1 Ngibone uBadanile athwele iinkuni ezinengi. (2)
3.7.2 Ubaba uraga iinkomo ezinengi. (2)
- 3.8 Funda umutjho ongenzasi bese uphendula umbuzo.
Amalangana la sikhamba ebusuku, asisabi ngombana kunen**yang**a.
Tlola imitjho EMIBILI usebenzise ibizo elitlolve ngokunzima khulu kuvele iinhlathululo ezingafaniko. (4)
- 3.9 Funda umutjho olandelako bese utlola wakho umutjho ngesitjho esithalelweko:
Nanikhulumako nenze isiqiniseko sokobana akekho uMamazi, phela loyo urarhwe ngudumbana esifubeni. (2)

3.10 Funda indinyana elandelako bese uphendula imibuzo.

Esikolweni sakadade bafuna umuntu wokupheka. UZagariya uyile bamtjela bonyana amadoda abawafuni ngombana awakwazi ukupheka.

3.10.1 Ingabe kukhona ibandlululo kilendima engehla? (1)

3.10.2 Ukutjho ngasiphi isizathu lokho okutjho emtjhwani ongehla? (2)

3.10.3 Mhlobo bani webandlululo? (1)

3.11 Funda indinyana elandelako bese uphendula imibuzo.

ISITOLU SOKUTHUNGA SAKWABETTY



Uthungelwa isambatho sakanokutjho ngamalanga amabili!

- I-R30,00 ukufaka izibhu.
- I-R100 ukuthunga isikhethe ngetjhila lakho.

UNGADLALI NGALO ITHUBELI!

3.11.1 Ingabe amagama: **Isitolo sokuthunga sakwaBetty** sitlolwe ngobukhulu bamaledere afanele isikhangiso na? Sekela ipendulwakho. (2)

3.11.2 Ingabe inani elitlolwe emibandeleni litloleke ngokufaneleko na? Sekela ipendulwakho. (2)

3.11.3 Ingabe singesakabani isitolo sokuthunga esikhangisiweko? (1)

3.12 Qalisisa isithombe esilandelako bese uphendula imibuzo.



- 3.12.1 Ibizwani indawo lapha umuntu osesithombeni lo akiyo? (1)
- 3.12.2 Tlola iinzathu EZIMBILI ezingabangela umuntu abe kilendawo evezwe esithombeni esingehla. (2)
- 3.12.3 Ingabe anjani amaziso womuntu osesithombeni lo? Sekela ipendulwakho. (2)
- 3.12.4 Ukuba sendaweni le kumnandi kwamanikelela. Uthini ngombono lo? Sekela ngephuzu ELILODWA. (2)
- 3.12.5 Ingabe isimilo somuntu siyatjhuguluka emva kobana aphumile kilendawo akiyo? Tlola isizathu esisodwa. (2)

IMITLOMELO YESIGABA C: 40
INANI LOKE: 80